



OCT
21
22

[*Thutak leh Diktatna
a kilantou tuailai*]
PAUNAKTE 14:34

Tukum Tuailai Day 2017, kumdang bang in a manpha theipen a lop sawm ahi. A hun di Oct 14-15 ana kichi mahleh, competitive exam nih (ACIO-II & IBPS-PO) toh kituakkha ahihman in, tuailaite' lemtak zawk hun di gelna in **Tuailai Day program, Oct 21-22, 2017** a zat ding in kigel thak. Buaina omlou a i zat theihna ding un kuapeuh in Pathian buanni. Kidemna items tuamtuan kisai diing a, huai te a zuihding theih tuak hiai bang ahi.

1 TUAILAI TALENT SHOW

(Mimicry, Faifuk mut, khutsiam silbawl, instrumental etc.)

1. Mahni siamlam khatpeuh show theih ahi a, himahleh amun biakin sung hiding ahi chih i manghilh louh uh deih huai hi.
2. Minute 4 sang a sawtzaw ahih louh ding.
3. Mi khat sang a tamzaw kipawlkhawm a leng show theih ahi.
4. Vanzat poimoh i neih leh mahni ki puakkhiak ding ahi.
5. Hiai *Open Competition* ahi a, Area Fellowship min in a pai kei ding.
6. A tel ut peuhmah in anuai a min kipete kiang ah i show nuam pen taklang in, min leh area **September 24** tan in submit theih ding hi.

Note: Hiai atung a items kipia te etsakna lel ahia, huai te lou leng siam zawng show khiak theih i neih leh hih theih ahi. Dotnop nei i omleh Htp. N. Chin Ginthang (9953820651) & Htp. Goulian Guite (9953037222) te thuzak theih gige ding.

2 TUAILAI DEBATE

Innpi ngaihdan: "**I gam ah diktatna a om theih na diing in Saptuam a poimoh pen**"

1. Hiai individual item ahi a, a tel ut peuhmah in **September 24** tan in contact person te kiang ah min piak lut theih diing.
2. Min kipelut te apan in, Incharge te'n Mover leh Opposer te lottery tungtawn a teelkhiatna kinei ding hi. Min pelut masa sa apan mi 10 tan kila ding a geel ahi a, Mover leh Opposer 5 tuak a hi ding.
3. Debater chih hun Minute 3 chiat piak hiding uhi. Mintute 2:30 sec Chiang in warning bell gin sak ahiding.
4. Debater te'n Inpipa kia a address ding uh.
5. Mahni gelhsa points te ettheih din laithem gelh tawi theih dia, himahleh notes gelhsa a simkhiat phallouh ahi.
6. Best Mover leh Best Opposer telkhiat hi ding a, Debater teng kipahman piak hivek ding.

Note: Rules leh guidelines a poimoh bang in hong ki-update tou zel ding.
Incharge: Htp Lalthang - 9971604797 & Htn Jewel - 9582708215

3 LAKAIH BAWL KIDEMNA

1. Laa ding a thu hon kipe ding a, a kaih bawl ding ahi.
2. Tuailai Day hun a mipi mai a sak ding ahidia, a kaih bawltu in amah, ahihkei leh midang khat pepeuh a sasak thei ding.
3. Open Competition ahi a, Solo/group/choir a le sak theih ahi.
4. A genre ding a omtuan kei a, mahni siam leh theihdan a bawl ding ahi.
5. I thilhihte tungtawn a Pathian phat ding i hi chih theikawm in Amah min thupina ding a hih/performance di'n kisa ni.

Dotnop neite adin: Htp. M. Thangsuanmung (8130687501), Htn. Sanmawi (88266 21443) & Htn. Sangpui (99112 57933)

4 LENGKHOP KIDEMNA

1. Hiai pawl/group a kidemna ahihban ah lakaih kizil luat ngailou ahihman in, area chih a Tuailai Day siim dia hong kuanteng telvek din i kilam-en hi.
2. Khuangpi, Khuangneu leh Sialki zat teitei ding ahi dia, Music instrument dang (Guitar, Keyboard, Drum etc.) zatphallouh ahi.
3. Laa a vek (gen) omding ahi.
4. Laam leh kisawi phal ahi dia, Pathian zah kawm in zalen tak in i hih ding uh.
5. Mi atelding maximum limit a omkei dia, himahleh atawmpen a 20 ahiding ahi.

Incharge: Htp E Thawsuanmung (9870321191) & Htp. M. Thangsuanmung (8130687501)

5 TUAILAI QUIZ

1. Hiai Quiz kidemna pen 'open' hiding hi. Omdan bel Area khat ah mi hiai zah tel ding chihthe omlou in, dotna hong kibawl Chiang in a theithe in tutna mun apan dawng thei ding.
2. Dotna te ahihleh Saptuam doctrine leh EBCC Delhi khangthu hi ding.
3. Question-te second attempt tan a dawng dik thei te kipahman kilawm huntawk piak hi ding.

Incharge: Htp Ginmuan (9971022379) & Htn Zenngaihlu (9654293531).

SPECIAL ITEM

BYF Area Fellowship chih in Tuailai Day zat hunsung in "Special Item" khat chiat tang ding. Hiai pen Area te'n mahni hihtheih leh siamzawng **khatpeuh** hong kiging ding in i kingen a, i kitheisak ahi.

Chairman: P Chinliankhup
Vice Chairman: N Chin Ginthang (Music)
Secretary: Haumuanlun Samte
Assistant Secy: Goulian Guite (Prog)
Finance: Zenngaihlon
Treasurer: Manjewelkim Shoute (L&W)

Music
M Thangsuanmung
Elish Zousangpui
Sylvia Vungsanmawi

Program
N Lalsuankhram
Paukhanthang Buansing
Kimremmawi

Logistics & Welfare
E Thonsuanmung
Ginmuan Khuptiong
K Lalthang

Project Nehemia page
<https://www.facebook.com/ebccdelhi>
EBCC Delhi website
<http://www.ebccdelhi.org>

VOLUME NO. 6

ISSUE NO. 2

SEPTEMBER 3, 2017

BYF PANLAKNATE

LAPAWL MINISTRY

Music Department' kaihuaina nuai ah lapawl lam ah hihtheih dandan in pan kila hi. Saptuam ni poimoh - Palm Sunday leh Easter Sunday in lapawl sakna i biakinn uah kinei a, (BYF Munirka in Good Friday in sa) tua ban ah, EBCC Central Delhi Thanksgiving hun in leh, Delhi Mizo Inkhawm Golden Jubilee lopna (May 7, 2017) hunte ah lapawl va kisa thei hi.

Tua te ban ah, i saptuam Silver Jubilee lopna June 21-25 hun sung in, choir member mi 50 vual in lapawl 4 kisa thei hi. Music Fest 2017 - August 27 ni in leng i biakinn uah BYF in lapawl kisa hi.

AREA LEADERS FELLOWSHIP

July 30, 2017 in i biakinn mun ah, BYF Committee member te leh Area Fellowship Coordinators leh Assistant Coordinators teng in kithuahkhawmna hun manpha tak kizang hi. Tuailai Day vai leh thu poimoh tuamtuam kupkhawmna kinei a, area tamzaw te'n Tuailai Day pen area kidemna hun a zat hikei henla, festival - biakkhawmna leh kipolhkhawmna dan in paithei zaw leh, chih ngaihdan sung uhi.

AREA VEHNA

BYF in tukum Year Plan a kiguang dungzui in Tuailai Area te, amau veng ngeingei va siik a, vehsuak kitum a, tu in a tamzaw kiveh khinta hi.

May 13, 2017: Kishangarh Area

June 3, 2017: Dwarka Area

July 1, 2017: RK Puram Area

July 22, 2017: Nanak-Mohad-Safd Area & South-Ext-Jamia Area

July 29, 2017: JNU-Vasant Area

Aug 5, 2017: Pushp Vihar Area

Area vehna apan theihkhiat ahiehleh, mun tamzaw ah tuailai milip punlam sang in kiamlam nawt zaw hi a theih in om hi.

MELTHAK VAIDAWNNA

August 6, 2017 in tukum a Delhi a hongpai Melthak te vaidawnna hunseh, BYF Program Department' pina nuai ah zat in om hi. BYF Delhi melthak mi 48 vel dia hisap lak ah, mi 24 te hong tel thei uhi. Amau te BYF in kipahpih thilpiak piakna kinei a, Pastor in thumsakna hun zatpih hi. Huai ban ah, Htn Grace Siamliangvung leh Htp Nicky Tonsing te'n thulu poimoh tuamtuam pansan in thumopna nei uhi.

MUSIC FEST 2017

Ministerial Year Plan a om, BYF leh Worship Team' malakna in August 27, 2017 in Music Fest nuam leh manphatak zat in om hi. I tenna khua kiim a buaina omziak in August 26 program pen ki cancel a, ni nih program dia kigelsa pen ni khat in kihenkhwam hi. Resource person, Rev Pumsuanmung (Youth Coordinator) in thutak sinsakna hun hong zang hi.

Hiai Music Fest hun ah lasa ding a gelsa bands - 8, groups - 2, mimal - 16, lapawl 3 hi a, himahleh avek in hong sa thei nawnlou uhi. BYF Central Delhi toh BYF Delhi joint fellowship dia kigelsa pen leng hitheilou suak hi.

Ahi a, Music Fest zatna a phatna laa kisakhia leh thutak kigen te'n ngaikhetu tamtak te' hinna lawngkha mahmah ahiehdan theih in om a, kipahuai petmah hi.

Ni masa (Aug 26) a Music Ministry phungvuhna thohlawm kaihhawm ding chih himahleh, ahiehtheihlough ziak in, sum omlai bangzah hiam te, Core Group in Music Ministry thohlawm bultumtu ding leh tua toh kisai a zat din BYF khut ah pekhia hi.

LAIBU KAIHKHAWMNA

Mizoram Division a i saptuam skul te a library a koih ding laibu, kaihhawmna ah BYF in July kha sung in pan ana kila a, hiai hunsung a laibu hong thohkhawm tengtung ah kipathu a thak in i gen ahi.

MUSIC MINISTRY

I saptuam in Sound System Project - Rs 3 lakhs guang a, hiai sepsuahna ding, BYF' liangkou ah ngakh in om hi. Tua toh kiton in, BYF In pan kila a, nipini kikhop teng in biakinn kong ah "Sound System Project Box" ana kikoih gige a, kuapeuh in kiphall bangbang va khiat theih gige ding hi.

Maban ah leng Music Ministry phungvuhna din pan laktouh zel kisawm a, saptuam michih in hon kithuahpih tou zel ding in i kigen hi.

FOOTBALL TOURNAMENT

Zomi Christian Fellowship, Delhi in 15 & 16 September, 2017 in InterChurch Football Tournament sai sawm ah, huai ah BYF Delhi leng football team nih in va kipang diing. A mun diing ahiehleh Central Secretariat Ground, Chanakyapuri ahi.

KUA TE'N BANG GEN?



I lak a angmasialna leh mahni-kisiamtanna saupi na paita in kimuantuah-louhna hontun ahi.

Mahni behte ahiehziak a kam (job) a muh di chih koimah a kigelh lou eive... Eilawi kha, i behte ahiehleh kam honpe thei di chih ngaihdan nei mawk in, "Behte hingal chin a," chi a lehpai zomah lai! I behte hia poimoh masa, a.h.k. beh a honbawl Pathian, huai' diktatna leh sianthouna?

-Rev Pumsuanmung

Lapawl zilzou, bus sung a tuangte' houlimna zakguk:

Jenny: Aaa, lumlua.

Sisie: Sahou gimnam ka chih mah.

Music Fest ni a tuailai kikhawm zah Sunday chiah kikhawm gige le...

-Muan Hangshing

Music Fest hun zatdan nuam leh kizen mahmah ka sa. Uplifting mahmah.

-Lalte Kullai

Music Fest kha nuamlua. Tuailai Day cheplawkna dan in ka mu, October chiang a Tuailai day di bang hon ngaklah sak mahmah

-Hmingte

Hiaidan te neih tam poimoh ka sa. Khangthak te'n a talent neih te uh Pathian min phatna ding in zangtam le uh deihsak huai. Huai ding in bangchiin amau te' a ding platform i bawlsak thei dia? Hiai dan biakna leh phatna nei tam le i khalam hon chawm mahmah ding in ka mu hi.

-Muanlian

AUG 26 ZINGKAL A HOULIMNA:

Nak lakloh. Gehgoh.

-Nenem Guite

Khedap bun a insung a tut huihiau chih le buai huai aka.

-Ginthang Naulak

Tutsa in ka ngak thoh ken zaw.

-Moses

Kei tu whatsapp en cheuhzel, enlou zel, simzel, simlou zel.

-Langthianmung

Tuni i topic uh "Lup lai di hi, thoh tak di hia?"

-Kham Hauzel

Tuni topic hiai in khek mai d uam - "Thou inla na Pathian sam in?"

-Mangboi Guite